

## Lezion 8

# LINIIS DI STORIE SOCIÂL E ECONOMICHE DAL FRIÛL TRA 1500 E 1800

a cure dal prof. Adrian Cescje  
-2006 -



## LINIIS DI STORIE SOCIÂL E ECONOMICHE DAL FRIÛL TRA 1500 E 1800

### LEZION 8 : DOMANDIS E RISPUESTIS

In ciertis bandis de Europe (p.e. Ingletiere) la privatizazion des tieris comunâls e je stade la premesse e la cundizion de formazion dal mût di produzion capitalistic, de bande di une borghesie rurâl, ancje di origjin aristocratiche, vierte ae rivoluzion industriâl.

#### ? Ise stade privatizazion des tieris comunâls in Friûl?

☑ Lis tieris comunâls a forin privatizadis ancje in Friûl, sot la Republiche di Vignesie. Il prin decret di privatizazion al fo dal 1529, e Gerolamo Priuli al fo il governadôr che al varès vût di inviâ la privatizazion.

Al varès vût di gjavâ de possession dai Comuns 1/3 des teris comunis e di passâlis ae Republiche pe vendite ai privâts.

La definitive privatizazion des tieris comunâls e fo decretade e atuade tra 1646 e 1790, e il grues al fo vendût tra il 1646 e il 1727.

Su 92.640 h vendûts tai teritoris de Republiche di Vignesie, 53.657 a forin vendûts in Friûl. Plui dal mieç.

## LINIIS DI STORIE SOCIÂL E ECONOMICHE DAL FRIÛL TRA 1500 E 1800

### LEZION 8 : DOMANDIS E RISPUESTIS

? **Cualis forino lis resons dai decrets di vendite des tieris comunâls de Republiche di Vignesie?**

✓ Forino resons di politiche economiche finalizade al svilup capitalistic dal Friûl o resons di politiche finanziarie dal stât venezian?

A forin resons di politiche finanziarie interne dal stât venezian e nuie altri.

La Republiche di Vignesie e veve bisugne di jentrâ cu lis spesis des sôs vueris. Massime tal 1600 e scugnì sostignî un grant sfuarç militâr pe vuere di Candie, che po e colà sot dal assalt dal Imperi otoman.

La politiche dal svilup produtîf des campagnis furlanis nol jere mai stât ogjet di sielte politiche.

# LINIIS DI STORIE SOCIÂL E ECONOMICHE DAL FRIÛL TRA 1500 E 1800

## LEZION 8 : DOMANDIS E RISPUESTIS

? **Ce sorte di classis sociâls comprarino lis tieris comunâls privatizadis?**

✓ A forin i nobii venezians a comprâ lis tieris plui buinis: la basse furlane e la part di culine. La part miôr de tiere furlane e passà ai Mocenigo, ai Corner, ai Molin, ai Bragadin, ai Foscology, ai Vendramin, ai Priuli, ai Loredan.

Dongje dai nobii, a comprarin ancj e i borghês venezians, marcjadants e professioniscj.

I venezians a comprarin pôc di mancul de metât des tieris comunâls. Il rest lis comprarin nobii e borghês furlans.

Di 173.693 h di proprietât private tal 1740, 43.985 a jerin de nobiltât furlane (25,1%) e 42.630 di nobiltât e borghesie veneziane (24,5%).

## LINIIS DI STORIE SOCIÂL E ECONOMICHE DAL FRIÛL TRA 1500 E 1800

### LEZION 8 : DOMANDIS E RISPUESTIS

? Ce representavino pes comunitâts rurâls lis tieris comunis? Cemût lis dopravino?

- ✓ Lis unitâts di comunitât, lis *viciniis*, si devin dongje e a nomenavin un *dean*. A decidevin cemût sfrutâ il teritori, cemût distribuî lis tieris comunis aes fameis, il gjenar di culturis, i tims di aradure e di seseladure. A controlavin il tai dai lens.

Al veve di sei ecuilibri tra bosc, prât naturâl, passon e arât.

Lis viciniis a vevin di proviodi a tignî lis stradis, i canâi e in cierts câs ancje lis fortificazions. Se il pês dai oblics al fos cressût, lis viciniis a varessin vût di vendi part des tieris comunâls.

A metât dal 1500 la vicinie e jere ancjemò une unitât juridiche fuarte.

La plui part dai comunâi a jerin a prât e passon, pes bestiis dai abitants. Se a vevin pocje tiere e a scugnivin paiâ lis renditis di chês ai siôrs, a podevin contâ sui comunâi che ur jerin assegnâts.

## LINIIS DI STORIE SOCIÂL E ECONOMICHE DAL FRIÛL TRA 1500 E 1800

### LEZION 8 : DOMANDIS E RISPUESTIS

- ? Varessino podût i contadins miorâ la cuantitât e la cualitât de produzion, stant il sisteme de vicinie e des tieris comunâls?
- ☑ No, no saressin rivâts par vie des grandis cjamis dai contrats. Plui che tes tieris comunâls la cause e jere te rendite signorîl, che no jere doprade par gnovis culturis, e i siôrs a preferivin sfrutâ i contadins. Se mai i siôrs a cirivin di doprâ lis tieris comunâls pes lôr bestiis, in vie indirete, cul sisteme de socide, par esempi.

## LINIIS DI STORIE SOCIÂL E ECONOMICHE DAL FRIÛL TRA 1500 E 1800

### LEZION 8 : DOMANDIS E RISPUESTIS

- ? Se la privatization des tieris comunâls e menà la proletarization des campagnis, e la formazion di tantis fameis puaris cence sostentament suficient, quale forie la rispueste juridiche, economiche, sociâl e politiche a cheste cundizion di proletarization?**
- La proletarization e fo in Ingletiere la cundizion de rivoluzion industriâl, parcè che lis renditis des campagnis a jerin benzà stadis indreçadis pal invistiment di profit. Il contadin proletarizât al cjatà vore tes citâts industrializadis. Il possident inglês al veve imparât a sei capitalist.


In Friûl nol sucedè nuie di chest. La rendite e restà rendite pal consum e no pal invistiment de produzion, ni tes campagnis ni te industrie, a part cualchi ecezion une vore isolate (Linûs). Une volte garantide la rendite, il possident des tieris furlanis, furlan o venezian che al fos, nol pensave di mudâ forme produtive olsant l'invistiment: al preferive il sfrutament dal contadin. La forme produtive des campagnis furlanis e restà fisse e compagne par secui a dilunc.

## LINIIS DI STORIE SOCIÂL E ECONOMICHE DAL FRIÛL TRA 1500 E 1800

### LEZION 8 : DOMANDIS E RISPUESTIS

- La **rispueste sociâl** e fo la emigrazion;
- La **rispueste juridiche** e fo i contrats par mantignî la rendite;
- La **rispueste economiche** e fo il mantigniment des formis produtivis tradizionâls in funzion de rendite signorîl cu la introduzion a mieç 1600 de culture de blave, che e garantì la alimentazion dai contadins, tant che la popolazion e tornà a cressi triplicade (passe 300 mil abitants);
- La **rispueste politiche** e fo che sei la Republiche di Vignesie sei po la Austrie a mantignirin i rapuarts feudâi, a garantirin la rendite signorîl, no faserin une politiche economiche a pro dai contadins.

La emigrazion e restà la situazion sociâl des campagnis furlanis fin ai agns Setante dal 1900.





## LINIIS DI STORIE SOCIÂL E ECONOMICHE DAL FRIÛL TRA 1500 E 1800

### LEZION 8 : DOMANDIS E RISPUESTIS

? **Cuale forie la strutturazion des unitâts produtivis che e rispuindeve a chestis sieltis di politiche economiche semifeudâl?**

✓ Lis unitâts produtivis a jerin une vore frazionadis.

I nobii Paciani di Cividât a vevin ae fin dal 1700 340 proprietâts in 46 localitâts diferentis. Lis renditis dai Braçà tal 1780 a vignivin di 119 afitancis (58 a devin prodot fis e a jerin sparniçadis in 23 paîs, 30 a paiavin cuotis fissis in monede e a jerin in 17 paîs diferents, ...), di 83 nivei (distribuîts in 36 paîs/zonis), di 17 enfiteusis (su 12 paîs/zonis). E vie indenant ... Il frazionament al impèdive la inçressite produtive e la forme di conduzion capitalistiche, ma al garantive la rendite tes formis di sfrutament tradizionâl de vore contadine.


## LINIIS DI STORIE SOCIÂL E ECONOMICHE DAL FRIÛL TRA 1500 E 1800

### LEZION 8 : DOMANDIS E RISPUESTIS

Vin e forment a jerin pe cuote dominicâl e ce che al restave dal vin par vendi e vê monede.

La blave pe alimentazion de famee contadine.

I olms a jerin ancje par vê legnam di ardi.



## LINIIS DI STORIE SOCIÂL E ECONOMICHE DAL FRIÛL TRA 1500 E 1800

### LEZION 8 : DOMANDIS E RISPUESTIS

Par mantignî lis bestiis bisugnave vê prâts di jerbe, ma o a vevin di sei tancj prâts naturâi e cjapâ tante superficie, o a podevin sei pôcs se metûts a cerfoi (prâts artificiâi a leguminosis). Cheste soluzion e domandave invistiment. I parons no volevin fâ invistiment.

I nobii, i ecclesiastics e i proprietaris di dirits feudâi a vevin dirit al *pensionatic*, ven a stâi a podevin puartâ di Invier sui cjamps vierts lis pioris che a jerin stadis in mont vie pal Istât. Se il contadin al voleve fâ passonâ lis sôs pioris sui siei cjamps, al veve di paiâ une cuote a chel che al veve dirit di pensionatic.

Tal 1856 la Austrie e abolì il pensionatic, ma daspò dal versament di une sume di 20 voltis la rendite medie anuâl di chel dirit. La sume le tiravin fûr i comuns, che po a tassavin i proprietaris dai fonts liberâts.